

元和郡縣志



元和郡縣志

元和郡縣志原序

金紫光祿大夫中書侍郎同中書門下平章事兼集賢殿大學士監修國史上柱國趙國公臣李吉甫撰
臣聞王者建州域物土疆觀次于星躔察法于地理攷中國山河之象求二儀險阻之情天漢明而兩界分南宮正而五均敘自黃帝之方制萬國夏禹之分別九州辨方經野因人緯俗其揆一矣及秦皇并六國則罷侯而置守漢武討百蠻則窮兵而曠武雖裂爲郡縣者遠過于殷周而教令之所行威懷之所服亦不越于三代

元和郡縣志

原序

失天地作限之意非皇王尙德之仁誇志役心久而後悔由此觀之則聖人疆理之制固不在荒遠矣我國家肇自貞觀至于開元兼夏商之職貢掩秦漢之文軌梯航累乎九譯廡置通乎萬里然後分疆以辨之置吏以康之任所有而差貢賦因所宜而制名物守其要害險其走集經理之道冠乎百王巍巍乎無得而稱矣易曰天險不可升地險山川丘陵王公設險以守其國險之時用大矣哉然則聖人雖設險而未嘗恃險施于有備之內措于立德之中其用常存其機不顯弛張開闔因

變制權所以裁成二儀統理萬物故漢祖入關諸將爭走金帛之府惟蕭何收秦圖書高祖所以知山川阨塞戶口虛實厥後受命汜水定都洛陽留侯演委輅之謀田肯賀入關之策事關興替理切安危舉斯而言斷可識矣伏惟睿聖文武皇帝陛下握樞秉聖承祧立極祖堯舜之道憲文武之程皇王之遐蹤行之必至祖宗之耿光寢而復耀天寶之季王塗蹙艱由是墜綱解而不紐強侯傲而未肅逮至興運盡爲驅除故蜀有阻隘之夫吳有憑江之卒雖完保聚繕甲兵莫不手足裂而異

元和郡縣志

原序

二

處封疆一乎四海故鄜衛風偃朔塞砥平東西南北無思不服臣吉甫當元聖撫運之初從內庭視草之列尋備袞職久塵台階每自循省赧然收汗謨明弼諧誠淺智之不及簿書期會亦散材之不工久而伏思方得所効以爲成當今之務樹將來之勢則莫若版圖地理之爲切也所以前上元和國計簿審戶口之豐耗續撰元和郡縣圖志辨州域之疆理時獲省闕或裨聰明豈欲希鄼侯之規模庶乎盡朱贛之條奏況古今言地理者凡數十家尚古遠者或搜古而略今採謠俗者多傳疑

而失實飾州邦而敘人物因丘墓而徵鬼神流于異端
莫切根要至于丘壤山川攻守利害本于地理者皆略
而不書將何以佐明王扼天下之吭制羣生之命收地
保勢勝之利示形東壤制之端此微臣之所以精研聖
后之所宜周覽也謹上元和郡縣圖志起京兆府盡隴
右道凡四十七鎮成四十卷每鎮皆圖在篇首冠于敘
事之前并目錄兩卷總四十二卷臣學非博聞識愧經
遠馳騫雖久漏略猶多輕瀆宸嚴退增戰越謹上

元和郡縣志後序

右元和郡縣志四十卷唐宰相李吉甫所上也吉甫病古今地理家著錄不得其要獨取蕭何收秦圖書而究天下阨塞戶口多少者以爲準則則不待詳閱其書而其體要卓然可紀也已吉甫再相蓋元和六年此志自載其所嘗建白者二事改復天德舊城則在八年更置宥州于經略軍則在九年其年十月吉甫遂薨于位則是書又其當國日久乃始纂述此于唐家郡縣疆境方面險要必皆熟按當時圖籍言之最爲可據又其言曰

元和郡縣志

後序

志凡四十七鎮鎮皆有圖冠其篇首故以圖志名之圖今亡矣獨志存焉耳憲宗經略諸鎮吉甫實贊成之其于河北淮西悉嘗圖上地形憲宗得以坐覽要害而陰定策畫者圖之助多也惜乎其不存志傳寫久有闕逸又譌誤不敢強補謹書其有益者以示可傳而已淳熙二年五月一日秘書少監臣大昌序

張幾仲帥襄陽且行謂予曰以予之好異書知世間有甚欲之而無其力者矣之鎮苟暇期取古書有益者刻木而布傳之庶其費寡而人可得是亦一爲政

也秘藏多書蓋選擇見授予思之有元和郡縣志者其所記地理多唐家制度本朝疆理天下率多本唐則是書之備稽究特與今宜予嘗卽蓬山藏本之末敘列其所以可傳者矣苟欲嘉惠夫人則莫此爲要遂錄寄之以遂其雅好幾仲名子顏今以敷文閣待制在鎮淳熙二年至日新安程大昌泰之書

右元和郡縣志四十卷目錄二卷唐元和八年丞相李趙公吉甫所上也後三百六十有三年今京西牧待制張公幾仲始刻版于襄陽幕府按新唐書藝文志著錄

元和郡縣志

後序

二

是書爲五十四卷會要析而兩之一曰州縣郡國圖三十卷一曰郡國圖其卷與新志同皆冠以元和三者了不相似以今所刻證之皆非也地理之最莫切于圖書周官職方氏掌天下之圖要周知其利害沛公入關蕭何收秦丞相府圖籍具知隄塞戶口多少強弱處基漢爲雄光武與鄧禹論天下郡國亦披輿地圖乃克見則不出戶庭而九州萬里在吾目中如策馬并轡援衣挈領舍此誰則然方趙公爲相強藩悍帥犷貞元餘習擅地自予朝廷莫敢訶而能以期年間易三十六鎮魏田

季安病公請以滑任薛平戍重兵邢洺因圖上河北險
要憲宗張于浴堂門壁每歎曰朕日按圖信如卿料則
其所著書蓋已見之行事矣豈直區區紙上語而已哉
幾仲先忠烈王勲在彝鼎爲中興社稷臣幾仲濟美稱
家文史聲猷有晉宋勝流風度方守國西門雍容緩帶
躡叔子元凱故蹟一旦天子讀此書悼河山之獨西想
燕冀而忼慨睠焉北顧思有所出趙營平不必馳至金
城圖上方略馬伏波不必聚米爲山指畫形勢幾仲知
之矣予願拭目焉本作書之旨則趙公之敘固在今揭

元和郡縣志

後序

三

于篇首淳熙三年十一月番陽洪邁書

子顏少有四方志遠長益篤比年數被上委使尋復
領符襄州奏事便殿上諭曰馳驅原隰爾素志也顧
昧陋何以克承玉音洎至郡每登峴山撫中原未始
不歎息久之思有以自効者浩不知其涯焉會故人
程刑部寄元和郡縣志閱之瞿然有感仰惟明主扼
天下之吭制羣生之命者不在茲乎亟用版傳以資
有志者籌贊恢拓之業又得程洪二鉅公題品詳贍
斯文爲不朽矣昔司馬子長南遊江淮上會稽探禹

穴闕九疑北涉汶泗東觀齊魯孔子之遺風西使巴
蜀以還周覽山川故其爲文廣博馳騁古今愚不敏
詎敢擬一二惟欲勉馳驅之素志竭繇薄于異時蓋
有務于是書亦報上之一云
淳熙三年十二月朔日
上秦張子顏書

元和郡縣志目錄

武英殿聚珍版

卷一 關內道一

京兆府^上

萬年 長安 昭應 三原 醴泉 奉天

奉先 富平 雲陽 咸陽 渭南 藍田

卷二 關內道二

京兆府^下

興平 高陵 櫟陽 涇陽 美原 華原

同官 鄠 盩厔 武功 好畤

元和郡縣志

目錄

一

華州

鄭 華陰 下邳

同州

馮翊 朝邑 韓城 百水 夏陽 澄城

郃陽

鳳翔府

天興 岐山 扶風 普潤 岐陽 麟遊

寶雞 虢 郿

隴州

汧源 汧陽 吳山 華亭 南由

卷三 關內道三

涇州

保定 靈臺 臨涇 良原 潘原

原州

平高 平涼 百泉 蕭關

邠州

新平 三水 永壽 宜祿

寧州

元和郡縣志

目錄

二

安定 真寧 襄樂 彭原 定平 豐義

慶州

順化 樂蟠 馬頌 合水 華池 同川

洛源 延慶 方渠 懷安

卷四 關內道四

鄜州

洛交 洛川 三川 直羅 甘泉

坊州

中部 宜君 昇平 邠城

丹州

義川 雲巖 汾川 咸寧

延州

膚施 延長 臨真 金明 豐林 延川

敷政 延昌 延水 門山

靈州

迴樂 靈武 保靜 懷遠 鳴沙 溫池

會州

會寧 烏蘭

元和郡縣志

目錄

三

鹽州

五原 白池

卷五 關內道五

夏州

朔方 德靜 寧朔 長澤

綏州

龍泉 延福 綏德 城平 大斌

銀州

儒林 真鄉 開光 撫寧

新宥州

延恩

單于大都護府

金河

麟州

新秦 連谷 銀城

勝州

榆林 河濱

豐州

元和郡縣志

目錄

四

九原 永豐

卷六

河南道一

河南府

洛陽 河南 偃師 緱氏 鞏 伊闕

密 王屋 長水 伊陽 河陰 陽翟

潁陽 告成 登封 福昌 壽安 澠池

永寧 新安 陸渾 河陽 温 濟源

河清 汜水

卷七

河南道一

陝州

陝 硤石 靈寶 夏 安邑 平陸

芮城 垣

虢州

弘農 盧氏 閿鄉 玉城 朱陽 湖城

汝州

梁 臨汝 魯山 葉 襄城 郟城

龍興

卷八 河南道三

元和郡縣志

目錄

五

汴州

開封 浚儀 陳留 雍丘 封丘 尉氏

宋州

宋城 陽山 虞城 楚丘 柘城 穀熟

下邑 單父 襄邑 寧陵

亳州

譙 臨渙 鄆 城父 鹿邑 蒙城

永城 貞源

潁州

汝陰 沈丘 潁上 下蔡

卷九 河南道四

滑州

白馬 韋城 衛南 胙城 靈昌 酸棗

匡城

鄭州

管城 滎陽 滎澤 原武 陽武 新鄭

中牟

許州

元和郡縣志

目錄

六

長社 長葛 許昌 鄆陵 臨潁 舞陽

扶溝

陳州

宛丘 太康 項城 南頓 潑水 西華

卷十 河南道五

徐州

彭城 蕭 豐 沛 滕

宿州

符離 靳 虹

泗州

臨淮 宿遷 徐城 漣水 下邳

濠州

鍾離 定遠 招義

蔡州

汝陽 平輿 吳房 西平 朗山 新息

真陽 上蔡 新蔡 褒信 鄆城

申州

義陽 鍾山 羅山

元和郡縣志

目錄

七

光州

定城 殷城 固始 光山 仙居

卷十一 河南道六

鄆州

東平 須昌 陽穀 壽張 盧 東阿

鄆城 鉅野 平陰

兗州

瑕丘 金鄉 魚臺 鄒 龔丘 乾封

萊蕪 曲阜 泗水 任城 中都

青州

益都 臨淄 千乘 臨朐 北海 壽光

博昌

齊州

歷城 全節 章丘 亭山 臨邑 臨濟

長清 豐齊 禹城

卷十二 河南道七

曹州

濟陰 冤句 乘氏 成武 南華 考成

元和郡縣志

目錄

八

濮州

鄆城 雷澤 臨濮 濮陽 范

密州

諸城 高密 輔唐 莒

卷十三 河南道八

海州

朐山 東海 沭陽 懷仁

沂州

臨沂 沂水 費 承 新泰

萊州

掖

卽墨

昌陽

膠水

淄州

淄川

長山

鄒平

濟陽

高苑

登州

蓬萊

牟平

文登

黃

卷十四

河東道一

河中府

河東

河西

臨晉

猗氏

虞鄉

寶鼎

元和郡縣志

目錄

九

解

永樂

絳州

正平

太平

萬泉

曲沃

翼城

聞喜

絳

稷山

龍門

卷十五

河東道二

晉州

臨汾

襄陵

神山

岳陽

洪洞

霍邑

趙城

汾西

冀氏

慈州

吉昌 文城 昌寧 件城 呂香

陽州

隰川 蒲 大寧 溫泉 永和 石樓

卷十六 河東道三

太原府

太原 晉陽 榆次 清源 壽陽 太谷

祁 文水 交城 廣陽 陽曲 孟

樂平

卷十七 河東道四

元和郡縣志

目錄

十

汾州

西河 孝義 介休 靈石 平遙

沁州

沁源 和川 綿上

儀州

遼山 榆社 平城 和順

嵐州

宜芳 靜樂 合河 嵐谷

石州

離石 平夷 定胡 臨泉 方山

卷十八 河東道五

忻州

秀容 定襄

代州

雁門 繁峙 五臺 唐林 崞

蔚州

興唐 靈丘 飛狐

朔州

元和郡縣志

目錄

十一

鄆陽 馬邑

雲州

雲中

卷十九 河東道六

潞州

上黨 長子 屯留 潞城 壺關 黎城

銅鞮 鄉 襄垣 涉

澤州

晉城 高平 陵川 沁水 陽城 端氏

邢州

龍崗 堯山 鉅鹿 沙河 平鄉 南和

任 內丘 青山

洛州

永年 雞澤 洺水 肥鄉 清漳 曲周

臨洺 平恩

磁州

滏陽 邯鄲 昭義 武安

卷二十 河北道一

元和郡縣志

目錄

三

懷州

河內 武陟 武德 修武 獲嘉

魏州

貴鄉 元城 魏 館陶 冠氏 朝城

莘 昌樂

相州

安陽 鄴 成安 內黃 堯城 洹水

臨漳 臨河 湯陰 林慮

博州

聊城 武水 堂邑 清平 博平 高唐

衛州

汲 新鄉 衛 共城 黎陽

貝州

清河 清陽 歷亭 東武城 宗城

經城 漳南 臨清 夏津 永濟

澶州

頓丘 臨黃 觀城 清豐

卷二十一

河北道二

元和郡縣志

目錄

三

恒州

真定 藁城 九門 靈壽 行唐 井陘

獲鹿 石邑 房山 鼓城

冀州

信都 衡水 南宮 武邑 下博 武強

棗強 堂陽 阜城

深州

陸澤 鹿城 饒陽 安平

趙州

平棘 元氏 臨城 柏鄉 高邑 贊皇

昭慶 寧晉 欒城

德州

安德 平原 平昌 將陵 安陵 滹

長河

棣州

厭次 滴河 渤海 陽信 蒲臺

卷二十二 河北道三

定州

元和郡縣志

目錄

古

安喜 新樂 義豐 唐 望都 北平

無極 涇邑 深澤 恒陽

易州

易 涑水 容城 遂城 滿城 五迴

滄州

清池 長蘆 魯城 鹽山 饒安 樂陵

無棣

景州

弓高 南皮 景城 東光 臨津

卷二十三 山南道一

襄州

襄陽 臨漢 南漳 義清 宜城 樂鄉

穀城

鄧州

穰 南陽 新野 向城 臨湍 菊潭

內鄉

復州

竟陵 沔陽 監利

元和郡縣志

目錄

五

卷二十四

山南道二

郢州

長壽 京山 富水

唐州

比陽 慈仁 桐柏 平氏 湖陽 方城

泌陽

隨州

隨 光化 棗陽 唐成

均州

武當 鄖鄉 豐利

房州

房陵 永清 竹山 上庸

卷二十五 山南道三

興元府

南鄭 褒城 金牛 三泉 城固 西

洋州

興道 黃金 洋源 西鄉 貞符

利州

元和郡縣志

目錄

六

縣谷 益昌 葭萌 涪山 景谷

鳳州

梁泉 兩當 河池

興州

順政 長舉 鳴水

成州

上祿 同谷 長道

文州

曲水 長松

扶州

同昌 帖夷 鉗川 尚安

卷二十六 江南道一

潤州

丹徒 丹陽 金壇 延陵 上元 句容

常州

晉陵 武進 江陰 無錫 義興

蘇州

吳 長洲 嘉興 海鹽 常熟 崑山

元和郡縣志

目錄

七

華亭

杭州

錢塘 餘杭 臨安 富陽 於潛 鹽官

新城 唐山

湖州

烏程 長城 安吉 武康 德清

睦州

建德 桐廬 遂安 清溪 分水 壽昌

卷二十七 江南道二

越州

會稽 山陰 諸暨 餘姚 蕭山 上虞

剡

婺州

金華 義烏 永康 東陽 蘭溪 武義

浦陽

衢州

信安 常山 龍丘 須江

處州

元和郡縣志

目錄

六

麗水 松陽 縉雲 遂昌 青田 龍泉

温州

永嘉 安固 橫陽 樂成

台州

臨海 唐興 黃巖 樂安 寧海

明州

鄞 奉化 慈溪 象山

卷二十八 江南道三

鄂州

江夏 永興 武昌 唐平 蒲折
沔州

漢陽 漢川

安州

安陸 應山 雲夢 孝昌 吉陽 應城

黃州

黃岡 黃陂 麻城

蘄州

蘄春 黃梅 蘄水 廣濟

元和郡縣志

目錄

九

岳州

巴陵 華容 湘陰 沅江 昌江

卷二十九 江南道四

洪州

南昌 高安 新吳 豐城 建昌 武寧

分寧

饒州

鄱陽 餘干 樂平 浮梁

虔州

贛 南康 信豐 大庾 零都 虔化
安遠

吉州

廬陵 安福 永新 太和 新淦

江州

潯陽 彭澤 都昌

袁州

宜春 新喻 萍鄉

信州

元和郡縣志

目錄

三

上饒 玉山 弋陽 永豐 貴溪

撫州

臨川 南城 崇仁 南豐

宣州

宣城 南陵 涇 當塗 溧陽 溧水

寧國 廣德 太平 旌德

歙州

歙 黟 休寧 婺源 績溪 祁門

池州

秋浦 青陽 至德 石埭

卷三十 江南道五

潭州

長沙 醴陵 瀏陽 益陽 湘鄉 湘潭

衡州

衡陽 攸 茶陵 耒陽 常寧 衡山

郴州

郴 義章 義昌 平陽 資興 高亭

臨武 藍山

元和郡縣志

目錄

三

永州

零陵 祁陽 湘源 灌陽

連州

桂陽 陽山 連山

道州

弘道 永明 延唐 大歷 江華

邵州

邵陽 武岡

福州

閩 侯官 長樂 福唐 連江 長溪

尤溪 古田 永泰

建州

建安 浦城 邵武 將樂 建陽

泉州

晉江 南安 莆田 仙遊

漳州

龍溪 漳浦 龍巖

汀州

元和郡縣志

目錄

三

長汀 沙 寧化

卷三十一 江南道六

黔州

彭水 黔江 洪杜 洋水 信寧 都濡

涪州

涪陵 樂溫 武龍 賓化

夷州

綏陽 都上 義泉 洋川 寧夷

思州

務川 思王 思印

費州

涪川 多田 城樂 扶陽

南州

南川 三溪

珍州

夜郎 麗臯 樂源

溱州

榮懿 扶觀

元和郡縣志

目錄

三

播州

遵義 帶水 芙蓉

辰州

沅陵 盧溪 麻陽 溆浦 辰溪

錦州

盧陽 洛浦 招喻 涇陽 常豐

敘州

龍標 朗溪 潭陽

溪州

大鄉 三亭

施州

清江 建始

獎州

峨山 涓溪 梓薑

卷三十二 劍南道一

成都府

成都 華陽 靈池 犀浦 廣都 郫

溫江 新繁 雙流 新都

元和郡縣志 目錄

三

彭州

九隴 導江 唐昌 濛陽

蜀州

晉原 青城 新津 唐興

漢州

雒 綿竹 德陽 什邡 金堂

邛州

臨邛 大邑 安仁 依政 臨溪 火井

蒲江

簡州

陽安 金水 平泉

資州

盤石 資陽 內江 丹山 銀山 龍水

清溪 月山

嘉州

龍遊 夾江 綏山 羅目 峨眉 玉津

平羌 犍為

戎州

元和郡縣志

目錄

三五

犍道 義賓 開邊 南溪 歸順

卷三十三 劍南道二

雅州

嚴道 百丈 名山 廬山 滎經

眉州

通義 彭山 丹稜 洪雅 青神

松州

嘉城 交川

茂州

汶山 汶川 通化 石泉

翼州

衛山 翼水 峨利

維州

薛城 定廉 鹽溪

當州

通軌 利和 谷和 平康

悉州

識曰 左封 歸誠

元和郡縣志

目錄

三

靜州

悉唐 靜居 清道

柘州

柘 喬珠

恭州

和集 博恭 烈山

真州

真符 昭德 昭遠 雞川

黎州

漢源 通望

舊州

越巂 西瀘 蘇邛 臺登 邛部 昆明

會川

姚州

姚城 長明 長城

協州

東安 西安 胡津

曲州

元和郡縣志

目錄

三

朱提 唐興

卷三十四 劍南道三

梓州

郫 射洪 通泉 玄武 鹽亭 永泰

飛鳥 銅山 涪城

劍州

普安 梓潼 黃安 永歸 陰平 武連

臨津 劍門

綿州

巴西 昌明 羅江 神泉 龍安 魏城

鹽泉 西昌

遂州

方義 長江 青石 蓬溪 遂甯

渝州

巴 江津 萬壽 南平 璧山

合州

石鏡 漢初 新明 銅梁 巴川 赤水

普州

元和郡縣志

目錄

天

安岳 普康 安居 普慈 崇龕 樂至

榮州

旭川 咨官 和義 威遠 公井 應靈

陵州

仁壽 貴平 籍 始建 井研

瀘州

瀘川 綿水 江安 富義 合江

龍州

江油 清川

昌州

靜南 昌元 永川 大足

卷三十五 嶺南道一

廣州

南海 番禺 化蒙 懷集 增城 泮水

東莞 新會 義甯 清遠 四會 滇陽

浚涯

循州

歸善 博羅 興甯 海豐 河源 雷鄉

元和郡縣志

目錄

三

潮州

海陽 潮陽 程鄉

端州

高要 平興

康州

端溪 悅城 都城 晉康

封州

封川 開建

韶州

卷三十六 嶺南道一

曲江 始興 樂昌 翁源 浚昌 仁化

桂州

臨桂 全義 靈川 陽朔 永福 建陵
理定 慕化 永豐 荔浦

梧州

蒼梧 戎城 孟陵

賀州

臨賀 封陽 馮乘 桂嶺 蕩山 富川

元和郡縣志

目錄

三

昭州

平樂 恭城 永平

象州

陽壽 武仙 武化

柳州

馬平 龍城 洛容 洛封 象

巖州

循德 來賓

融州

融水 武陽

龔州

平南 武林 隋建 大同 陽川

富州

龍平 開江 思勤

蒙州

立山 正義 東區

思唐州

武郎 平原

元和郡縣志

目錄

三

卷三十七

嶺南道三

邕州

宣化 武緣 晉興 朗甯 思籠 封陵

如和

貴州

鬱林 懷澤 義山 潮水

賓州

嶺方 琅琊 保城

澄州

上林 無虞 止戈 賀水

橫州

甯浦 樂山 涪風 嶺山

欽州

欽江 安京 遵化 內亭 靈川

潯州

桂平 皇化 大賓

巒州

永定 武羅 靈竹

元和郡縣志 目錄

三

卷三十八 嶺南道四

交州

宋平 武平 平道 太平 南定 朱鳶

交趾 龍編

愛州

九真 安順 崇平 日南 軍甯

驩州

九德 越裳

峯州

嘉寧 承化

陸州

寧海 烏雷 華清

濱州

忠義 懷驩 龍池

長州

文陽 銅蔡 長山 其常

郡州

郡口 安樂

元和郡縣志

目錄

三

諒州

文諒 長上

武安州

武安 臨江

唐林州

唐林 安遠

武定

扶卽 潭湍

貢州

武興 古都

卷三十九 隴右道上

秦州

上邽 伏羌 隴城 清水 成紀

渭州

襄武 渭源 隴西 彰

武州

將利 福津 盤隄

蘭州

元和郡縣志

目錄

三

五泉 廣武

河州

枹罕 鳳林 大夏

鄯州

湟水 鄯城 龍支

廓州

化城 達化 米川

岷州

溢樂 祐川 和政

洮州

臨潭 美相

疊州

合川 常芳

芳州

常芬 恒香 丹嶺

宕州

懷道 良恭

臨州

元和郡縣志

目錄

三五

狄道 長樂

卷四十 隴右道下

涼州

姑臧 神烏 昌松 嘉麟 天寶

甘州

張掖 剛丹

肅州

酒泉 福祿 玉門

沙州

燉煌 壽昌

瓜州

晉昌 常樂

伊州

伊吾 柔遠 納職

西州

前庭 柳中 交河 天山 蒲昌

庭州

後庭 蒲類 輪臺

元和郡縣志

目錄

美

臣等謹案元和郡縣志四十卷唐李吉甫撰吉甫字宏憲趙州贊皇人宰相栖筠之子以蔭補左司禦率府倉曹參軍貞元初為太常博士官至中書侍郎同中書門下平章事卒諡忠懿事迹具唐書本傳是書據宋洪邁跋稱為元和八年所上然書中更置宥州一條乃在元和九年蓋其事為吉甫所經畫故書成之後又自續入之也前有吉甫原序稱起京兆府盡隴右道凡四十七鎮成四十卷每鎮皆圖在篇首冠于敘事之前並目錄兩卷共

成四十二卷故名曰元和郡縣圖志後有淳熙二
年程大昌跋稱圖已亡獨志存焉故陳振孫書錄
解題惟稱元和郡縣志四十卷今此本闕第十九
卷二十卷二十三卷二十四卷二十六卷三十六
卷其第十八卷則闕其半二十五卷亦闕二頁又
非宋本之舊矣篇目斷續頗難尋檢攷水經注本
四十卷至宋代佚其五卷故水名闕二十有一南
宋刊板仍均配爲四十卷使相聯屬今用其例亦
重編爲四十卷以便循覽仍註其所闕于卷中以

元和郡縣志

目錄

七

存舊第其書唐志作五十四卷證以吉甫之原序
蓋志之誤又案唐六典及新舊唐書地理志貞觀
初分天下爲十道一關內道二河南道三河東道
四河北道五山南道六隴右道七淮南道八江南
道九劍南道十嶺南道此書移隴右道爲第十殆
以中葉後陷沒吐蕃故退以爲殿至淮南一道在
今本闕卷之中以唐志淮南道所屬諸州攷之今
本河南道內有所屬之申光二州列蔡州之後江
南道內有所屬之蘄黃安三州列鄂沔一州之後

似乎傳寫之錯簡然攷唐書方鎮表大歷十四年
淮西節度使復治蔡州尋更號申光蔡節度使又
永泰元年蘄黃二州隸鄂岳節度升鄂州都團練
使爲觀察使增領岳蘄黃三州元和元年升鄂岳
觀察使爲武昌軍節度使增領安黃二州則申州
光州嘗由淮南道割隸河南道蘄州安州黃州亦
嘗由淮南道割隸江南道唐志偶失移併非今本
錯亂也輿記圖經隋唐志所著錄者率散佚無存
其傳于今者惟此書爲最古其體例亦爲最善後
元

元和郡縣志

目錄

三

來雖遞相損益無能出其範圍今錄以冠地理總
志之首著諸家祖述之所自焉乾隆四十四年五
月恭校上

總纂官內閣學士 臣 紀昀

侍讀學士 臣 陸錫熊

纂修官侍講學士 臣 彭紹觀

元和郡縣志卷一

唐 李吉甫 撰

關內道

京兆府 雍州

開元戶三十六萬二千九百九
元和戶二十四萬一千二百二

禹貢雍州之地舜置十二牧雍其一也周武王都豐鎬
平王東遷以岐豐之地賜秦襄公至孝公始都咸陽秦
兼天下置內史以領關中項籍滅秦分其地為三以章
邯為雍王都廢丘 今興平縣是也 司馬欣為塞王都櫟陽董翳

元和郡縣志

卷一

一

為翟王都高奴

今延州金明縣是也

謂之三秦高祖入關定三秦

復并為內史景帝分置左右內史武帝太初元年改內
史為京兆尹後與左馮翊右扶風謂之三輔其理俱在
長安城中又置司隸校尉以總之光武都洛陽以關中
地置雍州尋復立三輔魏分河西為涼州分隴右為秦
州三輔仍舊屬司隸晉初省司隸復置雍州愍帝之後
劉聰石勒苻健姚萇相繼竊據之萇孫泓為劉裕所滅
東晉復置雍州及京兆郡尋為赫連勃勃所破遣子隗
鎮長安號曰南臺後魏太武破赫連昌復于長安置雍



州孝武自洛陽遷長安改爲京兆尹隋開皇三年自長

安故城遷都龍首川卽今都城是也

初隋氏營都宇文愷以朱雀街南北

有六條高坡爲乾卦之象故以九二置宮殿以當帝王之居九三立百司以應君子之數九五貴位不欲常人

居之故置立都觀及興善寺以鎮之大明宮卽聖唐高宗龍朔二年所置高宗嘗染風痺以大內湫濕置宮于

斯其地卽龍首山之東麓北據高原南俯城邑每晴天

霽景視終南如指掌含元殿所居高明尤得地勢大明

東南曰興慶宮廢京兆尹又置雍州煬帝改爲京兆郡

武德元年復爲雍州開元元年改爲京兆府謹按漢五年高祖在洛陽婁敬說曰陛下都洛陽豈欲與周室比隆哉周之都洛以爲此天下之中四方納貢職道里均

元和郡縣志

卷一

二

有德則易以王無德則易以亡凡居此者欲令務以德致人不欲阻險令後世驕奢也今陛下而欲比隆成康之時爲不侔矣且夫秦地被山帶河四塞以爲固猝然有急百萬眾可具因秦之故資甚美膏腴之地此所謂天府陛下入關而都之山東雖亂秦故地可全而有也夫與人鬪不搯其吭拊其背未能全勝今陛下入關而都按秦之故此亦搯天下之吭而拊其背也高祖問羣臣羣臣皆山東人爭言周王數百年秦二世則亡不如都周高祖疑未能決及留侯明言入關便卽日駕西都

關中六年擒韓信田肯賀高祖曰甚善陛下得韓信又治秦中秦形勝之國帶河阻山持戟百萬秦得百二焉地勢便利其以下兵于諸侯譬猶居高屋之上建瓴水也自漢至今常為王者輿區

府境

東西三百一十里
南北四百七十里

八到

東至東都八百三十五里
東至華州一百八十里

東南至商州二百六十五里

南取庫谷路至金州六百八十里

西南至洋州六百三十里

正西微北至鳳翔三百一十里

西北至邠州三百里

東北至坊州一百五十里

元和郡縣志

卷一

三

正東微北至同州二百五十里

貢賦

開元貢

葵草席
絹 綿

地骨白皮

酸棗仁

管縣二十三

萬年 長安 昭應 三原 醴泉 奉天

奉先 富平 雲陽 咸陽 渭南 藍田

興平 高陵 櫟陽 涇陽 美原 華原

同官 鄠 盩厔 武功 好畤

萬年縣 赤

本漢舊縣屬馮翊在今櫟陽縣東北三十五里周明帝

二年分長安霸城山北等三縣始于長安城中置萬年

縣隋開皇三年遷都改爲大興縣理宣陽坊

是書因避唐高宗

諱凡治字皆作理今遇引用經史語改從治字餘仍原本武德元年復爲萬年乾封

元年分置明堂縣理永樂坊長安三年廢天寶七年改爲咸寧乾元元年復名萬年縣

終南山在縣南五十里按經傳所說終南山一名太一亦名中南據張衡西京賦云終南太一隆崛崔嵬潘岳西征賦云九嶷截薛太一龍從面終南而背雲陽跨平原而連嶠冢然則終南太一非一山也

元和郡縣志

卷一

四

畢原在縣西南二十八里詩注云畢終南之道名也書序云周公薨成王葬于畢是也

白鹿原在縣東二十里亦謂之霸上漢文帝葬其上謂之霸陵王仲宣詩曰南登霸陵岸迴首望長安卽此也長樂坡在縣東北十二里卽滄川之西岸舊名滄坂隋文帝惡其坂名改曰長樂坡

故軹道在縣東北一十六里卽秦王子嬰降沛公之處也

細柳營在縣東北三十里相傳云周亞夫屯軍處今按

亞夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里

舊云北去縣五十里

灞水在縣東二十里灞橋隋開皇三年造唐隆二年仍舊所創制爲二南北兩橋

樊川一名後寬川在縣南三十五里本杜陵之樊鄉漢高祖賜樊噲食邑于此

御宿川在縣南三十七里漢爲離宮別館禁御人不得往來遊觀止宿其中故曰御宿

元和郡縣志

卷一

五

長安縣

赤

本秦舊縣初楚懷王封項羽爲長安侯則長安久矣非始于漢但未詳所在耳及高帝五年入關復置長安縣乃取舊名以名縣也至隋開皇三年遷都長安縣移至長壽坊西南隅乾封元年分置乾封縣理懷真坊長安三年廢

龍首山在縣北一十里長六十里頭入渭水尾達樊川秦時有黑龍從南山出飲水其行道因成土山疏山爲臺殿不假版築高出長安城西京賦所云疏龍首以抗

殿也

三輔黃圖曰營未央宮因龍首制前殿也

細柳原在縣西南三十三里別是一細柳非亞夫屯軍之所

長安故城在縣西北十三里漢舊都惠帝修築本秦離宮也按惠帝元年正月城長安三年春發長安六百里內男女十四萬六千人三十日罷六月發徒隸二萬人常役至五年正月發十四萬五千人三十日罷九月而城成城南爲南斗形城北爲北斗形周迴六十五里

元和郡縣志

卷一

六

貞觀十年廢二十一年以時熟公卿重請修築于是使將作大匠閻立德繕理焉改爲翠微宮今廢爲寺

周武王宮卽鎬京也在縣西北十八里自漢武帝穿昆明池于此鎬京遺址淪陷焉

秦阿房宮在縣西北十四里殿東西五百步南北五十丈上可坐萬人下可建五丈旗表南山以爲闕爲複道自阿房渡渭屬之咸陽庭中可受十萬人又置銅人十二于宮前

漢長樂宮在縣西北十四里

漢未央宮在縣西北十五里並在長安故城中

漢建章宮在縣西二十里長安故城西太初元年柏梁臺災越巫以厭勝之術請作建章宮爲千門萬戶

桂宮在縣北十三里長安故城中漢武帝所造

柏梁臺在長安故城中未央宮北

漸臺在未央宮西王莽死于此

神明臺在縣西北二十里長安故城西上有承露盤

漢博望苑在縣北五里武帝爲太子據所立使通賓客

上林苑在縣西北一十四里周匝二百四十里相如所

元和郡縣志

卷一

七

賦也

酒池在長樂宮中漢武帝所作以誇羌胡飲以鐵盃重不能舉皆低頭牛飲西征賦云酒池鑒于商辛追覆車而不寤

子午關在縣南百里王莽通子午道因置此關魏遣鍾會統十萬餘眾分從斜谷駱谷子午谷趨漢中晉桓溫伐秦命司馬勳出子午道今洋州東二十里曰龍亭此入子午谷之路梁將軍王神念以舊道緣山避水橋梁多壞乃別開乾路更名子午道卽此路是也

新豐故城在縣東十八里漢新豐縣城也漢七年高祖以太上皇思東歸于此置縣徙豐人以實之故曰新豐并移粉榆舊社街衢棟宇一如舊制男女老幼各知其室雖雞犬混放亦識其家焉

古戲亭在縣東北三十里周幽王爲犬戎所逐死于戲卽此也周章軍西至戲秦將章邯拒破之亦此地也

周幽王陵在縣東北二十五里

秦始皇陵在縣東八里始皇卽位治驪山陵役徒七十萬人今按其陵高大亦不足役七十萬人積年之功蓋

元和郡縣志

卷一

八

以驪山水泉本北流者陂障使東西流又此土無石取大石于渭北諸山其費功力由此也

華清宮在驪山上開元十一年初置溫泉宮天寶六年

改爲華清宮又造長生殿及集靈臺以祀神

案前京兆府管縣目

萬年長安下有昭應舊唐書地理志云昭應隋新豐縣治古新豐城北垂拱二年改爲慶山縣神龍元年復爲新豐天寶二年分新豐萬年置會昌縣七載省新豐縣改會昌爲昭應治溫泉宮之西北新唐書云天寶元年更驪山曰會昌山三載析新豐萬年置會昌縣六載更溫泉曰華清宮七載省新豐更會昌縣及山曰昭應據二書則華清宮在昭應縣是書無昭應縣志文旣與前目不符而以華清宮附長安縣其所缺在前在後未可臆斷附識于此以存昭應縣大略

三原縣 次赤西南至府一百一十里

本漢池陽縣嶽薛山在今縣西北六十里苻秦于此山北置三原護軍以其地西有孟侯原南曰豐原北曰白鹿原後魏太武七年罷改置三原縣屬北地郡明帝孝昌三年蕭寶寅逆亂毛洪賓立義捍賊永安元年于此置北雍州洪賓為刺史亦謂之洪賓柵其故城在縣北五十五里又割北地郡之三原縣于此置建忠郡以旌其功隋開皇三年罷郡以縣屬雍州

高祖獻陵在縣東十五里

元和郡縣志

卷一

九

堯門山在縣西北三十二里

天齊原在縣西北二十五里上有天齊祠

黃白城在縣西南十五里後漢李催亂政天子東遷三輔饑歉乃移保黃白城即其地也

秦曲梁宮在縣西南十五里黃白城內

于謹墓在縣北十八里

醴泉縣 次赤東南至府一百二十里

本漢谷口縣地在九巖山東仲山西當涇水出山之處故謂之谷口溝洫志云白渠首起谷口尾入櫟陽表

百里漑田四千五百餘頃民得其饒歌曰田于何所池陽谷口鄭國在前白渠起後涇水一石其泥數斗且漑且糞長我禾黍衣食京師億萬之口謂此也後漢及晉又爲池陽縣後魏改爲寧夷縣隋開皇十八年改爲醴泉縣以縣界有周醴泉宮因以爲名

太宗昭陵在縣東北二十五里九嵕山

肅宗建陵在縣東北十八里武將山

奉天縣 次赤東南至府一百六十里

光宅元年割醴泉始平好畤武功新平郡之永壽五縣

元和郡縣志

卷一

十

置

梁山高宗天皇大帝乾陵所在因名曰奉天其山卽禹貢所云壺口治梁及岐又古公亶父踰梁山至于岐下及秦立梁山宮皆此山也

奉先縣 次赤西南至府二百四十里

本秦重泉縣後魏省至孝文帝分白水縣置南白水縣西魏改爲蒲城縣本屬同州開元四年以縣西北三十里有豐山于此置睿宗橋陵改爲奉先縣隸京兆
玄宗泰陵在縣東北二十里

惠莊太子陵在橋陵東南三里

惠宣太子陵在橋陵東六里

惠文太子陵在橋陵東三里竝在柏城內

富平縣

次赤西南至府一百五十里

本漢舊縣屬北地郡後魏文帝自懷德城移于今理周閔帝于縣置中華郡武帝省郡以縣屬馮翊隋開皇二年改屬雍州

中宗定陵在縣西北十五里龍泉山

代宗元陵在縣西北四十里檀山

元和郡縣志

卷一

十一

順宗豐陵在縣東北三十三里囊金山

節愍太子陵在縣西北十五里

荆山在縣西南二十五里岐山之東禹貢云荆岐旣旅是也

鹽池澤在縣東南二十五里周迴二十里

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封爲塞

王

雲陽縣 次赤西南至府一百二十里

本漢舊縣屬左馮翊魏司馬宣王撫慰關中罷縣置撫夷護軍及趙王倫鎮長安復罷護軍劉石苻姚因之魏罷護軍更于今理別置雲陽縣隋因之武德元年分置石門縣三年于石門縣置泉州貞觀元年廢州改石門縣爲雲陽縣

德宗崇陵在縣東二十里

嵯峨山一名巖薛山在縣東北十里東西二十五臣南北二十里山上有雲必雨常以爲候

元和郡縣志

卷一

三

甘泉山一名磨石嶺在縣西北九十里周迴六十里車箱阪在縣西北三十八里縈紆曲折單軌纔通和平卽平原宏敞樓觀相屬卽趨甘泉宮道也

涇水在縣西南二十五里初鄭國分涇水置鄭渠後倪寬又穿六輔渠今此縣與三原界六道小渠猶有存者謹按秦始皇元年韓聞秦好興事欲疲之乃使水工鄭國間說令鑿涇水自仲山西瓠口爲渠東注洛三百餘里欲以溉田中作而覺秦欲殺國國曰始臣爲開議渠成亦秦之利秦以爲然卒使就渠旣成溉澤鹵之地四

萬頃畝皆一鍾關中無凶年命爲鄭國渠後至漢武帝元鼎六年一百三十六歲倪寬爲左內史又奏請穿六輔渠以益漑鄭渠旁高卽之田後十六歲趙中大夫白公又奏穿涇水注渭中漑田四千餘頃人得其饒而歌之大唐永徽六年雍州長史長孫祥奏言往日鄭白渠漑田四萬餘頃今爲富僧大賈競造碾磑止漑一萬許頃于是高宗令分檢渠上碾磑皆毀撤之未幾所毀皆復廣德二年臣吉甫先臣文獻公爲工部侍郎復陳其弊代宗亦命先臣拆去私碾磑七十餘所歲餘先臣出元和郡縣志

卷一

十三

牧常州私制如初至大歷中利所及纔六千二百餘局漢雲陽故縣在縣西北八十里雲陽宮卽秦之林光宮漢之甘泉宮在縣西北八十里甘泉山上周迴十餘里去長安三百里望見長安城黃帝以來祭天圓丘處也齊人少翁謂武帝曰上卽欲與神通宮室被服非像神神物不至乃于甘泉宮中爲臺畫天地太一諸鬼神而祭之又作柏梁銅柱承露盤仙人掌之屬帝以五月避暑于此八月乃還

通天臺在縣西北八十一里甘泉宮中高三十五丈望

雷雨悉在下

咸陽縣

畿正東微南至府四十里

本秦舊縣也孝公十二年于渭北城咸陽自汧隴徙都焉秦自孝公惠文悼武昭襄莊襄王始皇胡亥竝都之始皇二十六年初并天下收天下兵聚之咸陽鑄以爲鍾鐻金八十二各重千石置庭中徙天下豪富于咸陽十二萬戶每破諸侯倣其宮室作之咸陽北阪上以所得諸侯美人鐘鼓充之咸陽之旁二百里內宮觀三百七十土木皆被綈繡宮人不移樂不改縣窮年忘歸猶

元和郡縣志

卷一

四

不能徧至胡亥時天下叛秦漢元年秦王子嬰降漢項羽引兵西屠咸陽殺子嬰燒秦宮室火三月不滅及漢興以爲渭城縣屬右扶風按秦咸陽在今縣東二十二里漢渭城縣亦理于此苻堅時改爲咸陽郡後魏移咸陽縣于涇水北今涇陽縣理是也隋開皇九年改涇陽爲咸陽大業三年廢入涇陽縣城本杜郵也武德元年置白起堡二年置縣又加營築焉山南曰陽水北曰陽縣在北山之南渭水之北故曰咸陽

畢原卽縣所理也左傳曰畢原酈郇文之昭也卽謂此

地原南北數十里東西二三百里無山川陂湖井深五十丈亦謂之畢陌漢氏諸陵竝在其上

短陰原在縣西南二十里

渭水南去縣三里

臨皇驛在縣東南二十里

長陵故城在縣東北三十里初漢徙關東豪族以奉陵邑長陵茂陵各萬戶其餘五陵各千戶皆屬太常不隸于郡

秦蘭池宮在縣東二十五里

元和郡縣志

卷一

五

秦磁石門在縣東南十五里東南有閣道卽阿房宮之北門也累磁石爲之著鐵甲入者磁石吸之不得過羌胡以爲神

細柳倉在縣西南二十里漢舊倉也周亞夫軍次細柳卽此是也張揖云在昆明池南恐爲疎遠

棘門在縣東北十八里本秦關門也漢文帝使將軍徐厲屯棘門謂此也

蘭池陂卽秦之蘭池也在縣東二十五里初始皇引渭水爲池東西二百里南北二十里築爲蓬萊山刻石爲

鯨魚長二百丈始皇嘗微行遇盜于蘭池見窘使武士擊殺盜關中大索二十日

中涓橋在縣東南二十二里本名橫橋架涓水上始皇都咸陽涓水貫都以象天漢橫橋南渡以法牽牛涓水南有長樂宮涓水北有咸陽宮欲通二宮之間故造此橋漢末董卓燒之魏文帝更造劉裕入關又毀之後魏重造貞觀十年移于今所

便橋在縣西南十里架涓水上武帝建元三年初作便門橋在長安北茂陵東去長安二十里長安城西門曰

元和郡縣志

卷一

六

便門此橋與門相對故名便橋

白起祠在縣城中

漢長陵在縣東三十里高帝陵也

安陵惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

涓陵元帝陵也在縣西北七里

延陵成帝陵也在縣西北十三里

義陵哀帝陵也在縣北八里

康陵平帝陵也在縣西北九里

太公墓在縣東北十里

周公墓在縣北十三里

蕭何墓在縣東北三十七里

曹參墓在縣東北三十五里

張良墓在縣東北三十六里

蒙恬祠在縣西北十五里

渭南縣畿西至府一百三十里

本漢新豐縣地苻秦時置後魏孝明帝亦云孝文帝于今縣

元和郡縣志

卷一

東南四里置渭南郡及南新豐縣西魏廢帝二年改南

新豐為渭南縣武德元年屬華州五年改屬雍州

倒獸山一名立象山在縣東南五十里王子年隱處也

渭水北去縣四里

酋水出縣西南石樓山北入渭

隋崇業宮在縣東十五里

秦步高宮在縣西南二十里

藍田縣畿東北至府八十里

本秦孝公置按周禮玉之美者曰球其次為藍秦今周禮無此

文杜佑通典藍田縣下亦有是語而不云周禮蓋以縣出美玉故曰藍田周閔帝割京兆之藍田又置玉山白鹿二縣置藍田郡至武帝省郡復爲藍田縣屬京兆後遂因之縣理城卽嶢柳城也俗亦謂之青泥城桓温伐苻健使將軍薛珍擊青泥城破之卽其處也

藍田山一名玉山一名覆車山在縣東二十八里

白鹿原在縣西六里晉桓温伐苻健督護鄧遐等奮擊于白鹿原卽此地也

灞水故滋水也卽秦嶺水之下流東南自商州上洛縣界流入又西北流合滄水入渭

元和郡縣志

卷一

六

思鄉城在縣東南三十三里宋武帝征關中築城于此南人思鄉因以爲名

藍田關在縣東南九十里卽嶢關也秦趙高將兵拒嶢關沛公引兵攻嶢關踰蕢山擊秦軍大破之蕢山在縣東南二十五里

元和郡縣志卷一